

G E N E S I S.

feiph, agus mharbh iad meann do na gabhraibh, agus thum iad an còta 'san fhuil.

32 Agus chuir iad uatha còta nan *iomadh* dath, agus thug iad e dh'ionnfuidh an athar; agus thubhairt iad, Fhuair sinne fo: aithnich a nis an e fo còta do mhic, no nach e.

33 Agus dh'aithnich se e, agus thubhairt e, Còta mo mhic; chuir droch bhéid as da: tha Ioseph gun teagamh air a reubadh as a chéile.

34 Agus reub Iacob eudach, agus chuir e eudach-faic air a leasfuidh, agus rinn e bròn air son a mhic re mòrain lài.

35 Agus dh'éirich a mhic uile, agus a nigheanan uile suas, a thoirt solais da; ach dhiùlt ean solas a ghabhail; agus thubhairt e, Oir théid mi sìos do'n uaigh a chum mo mhic re bròn. Mar fo rinn athair caoidh air a shon.

36 Agus reic na Midianaich e 'san Eiphit re Potiphar, oifig-each le Pharaoh, ceannard an fhreiceadain^a.

C A I B. XXXVIII.

A G U S 'san àm sin féin chaidh Iudah sìos o bhràithribh, agus thionndaidh e steach a dh'ionnfuidh Adulamaich àraidh, d'am b'ainm Hirah.

2 Agus chunnaic Iudah 'n sin nighean Canaanaich àraidh, d'am b'ainm Suah: agus ghabh e i, agus chaidh e steach d'a h-ionnfuidh.

3 Agus dh'fhàs i torrach, agus rug i mac; agus thug e Er mar ainm air.

4 Agus dh'fhàs i torrach a

ris, agus rug i mac; agus thug i Onan mar ainm air.

5 Agus dh'fhàs i torrach fathaist, agus rug i mac; agus thug i Selah mar ainm air; agus bha efan ann an Chedib 'nuair a rug i e.

6 Agus ghabh Iudah bean do Er a cheud-ghin, d'am b'ainm Tamar.

7 Agus bha Er, ceud-ghin Iudaih, aingidh ann an fealladh an Tighearna; agus mharbh an Tighearn e.

8 Agus thubhairt Iudah re h-Onan, Falbh a steach a dh'ionnfuidh mnà do bhràthar, agus pòs i, agus tog suas sliochd do d' bhràthair.

9 Agus bha fhios aig Onan nach b'ann leis féin a bhiodh an sliochd; agus 'nuair a chaidh e steach a dh'ionnfuidh mnà a bhràthar, dhòirt e air a' bhlàr e, chum nach d'thugadh e sliochd d'a bhràthair.

10 Agus bha 'n ni a rinn e olc ann an fealladh an Tighearna: uime sin mharbh e efan mar an ceudna.

11 'An sin thubhairt Iudah re Tamar mnaoi a mhic, Fan a'd' bhantraich ann an tigh t'athar, gus am fàs mo mhac Selah suas; oir thubhairt e, An t-eagal gu'm faigheadh efan bàs mar an ceudna mar a fhuair a bhràithre. Agus dh'fhalbh Tamar, agus dh'fhan i 'n tigh a h-athar.

12 Agus ùine fhada 'n dèigh sin fhuair nighean Shuaih bean Iudaih bàs: agus thog Iudah a mhifneach, agus chaidh e suas a dh'ionnfuidh luchd-lomairt^b a